



**R.P. Leonardi Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Art. 6. Vtrum factâ consecratione remaneat in hoc sacramento forma
substa[n]tialis panis.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Quibus
modis res
corporales
possunt co-
verti in res
corporales.

Nunc explicatur & probatur Propositio. Res enim corporales possunt conuerti in alias corporales, vel secundum totam suam substantialiam, sicut panis in Corpus Christi. Vel secundum formas, sicut fit in conversionibus naturalibus, quando una forma substantialis per actionem productivam succedit alteri in eadem materia. Tunc tamen necesse est, ut materia rei, quae conuertitur, sit capax formae rei, in quam rem conuertitur, vel naturaliter, vel diuina virtute. Si enim nullo modo sit capax, non poterit fieri talis conuersio: unde lapis non posset sic conuerti in celum, posset tamen ceteris forma ponii loco formae lapidis absque informatione: sed tunc haec mutatio non esset conuersio lapidis in celum, sed veluti transubstantatio formae lapidis in formam caeli. Vel denique ratione materiae, manente eadem formam, sub qua fiat conuersio: ut si lapis unus ratione materiae verteretur in alium, posita alia materia sub forma huius per actionem productivam. Hic tamen materia illa debet esse capax illius formae, sub qua succedit; alioquin non erit conuersio compositi in compositum; sed solum materie in materiam, veluti per transubstantiationem.

Spiritus in
corpus co-
verti po-
test: vel
conuertit.

Pari modo corpus in spiritum conuerti potest conuersione totali: ut si spiritus actione productiva ponatur sub accidentibus panis, sicut Corpus Christi sub illis ponitur. Similiter spiritus in corpus mutari potest: ut si corporalis substantialia producatur sub accidentibus spirituum sive cum aliqua unione ad ipsa accidentia, sive sine unione: quod est difficile sit intellectu, tamen non videtur implicare. Denique similibus modis substantialia in accidens, & accidens in substantialiam converti potest.

ARTICVLVS V.

*Vtrum remaneant accidentia panis
& vini post conuersionem?*

R. Espondetur affirmatiuè, ut patet experientia. Vide D. Thomam, qui habet tres causas huius rei.

Accidentia
sensibilia
manent in
Eucharistia.
Item Acci-
dencia non
sensibilia.

Notandum est, Certum esse, manere omnia accidentia panis & vini, quae vello modo sensibus deprehendi possunt; id enim necessarium erat ad occultandum hoc misterium: alioqui ratione naturali potuisset deprehendi: quod multum merito fidei detraheret.

Vtrum autem remaneant alia quedam accidentia occulta, quae nullo modo sensibus deprehendi possunt, non est ita certum. Valde tamen probabile est remanere omnia, quae à substantialia panis & vini realiter sunt distincta; id enim magis convenienter tum rationi, tum modo loquendi Patrum & Conciliorum. Vide Ferrariensem lib. 4. contra gentes cap. 65.

Modi sub-
stantialis
afficiunt
non manent.

Modi tamen, qui immediate substantialiam afficiunt, non manent; ut sunt praesentia substantialis, propinquitas ad locum, unio cum speciebus, relationes &c.

ARTICVLVS VI.

*Vtrum facta consecratione remaneat in hoc Sacramento forma
substantialis panis?*

R. Espondetur negatiuè. Vide D. Thomam. Nota tantum, quod secunda eius ratio firma non sit.

ARTICVLVS VII.

*Vtrum illa conuersio fiat
in instanti?*

R. Espondetur affirmatiuè. Probatur tribus rationibus. Primo, Quia substantialis panis definit in instanti; & similiter Corpus Christi incipit ibi esse in instanti: ergo tota conuersio fit in instanti. Probatur Consequentia; Quia haec conuersio constat desitione panis, & inceptione Corporis Christi. Secundo, Quia in hac conuersione non est aliquod subiectum, quod successuè preparetur. Tertio, Quia perficitur virtute infinita, quae in instanti operatur. Vide D. Thomam.

ARTICVLVS VIII.

*Vtrum hac sit falsa, Ex pane fit
Corpus Christi?*

R. Espondetur, Hanc esse propriè veram. Vide D. Thomam. Quod ad modum loquendi attinet, Notandum Primo, Eas propositiones, quædam quæ solū significant transitum, unius in alterū, seu successione terminorum, esse propriæ veras; ut, *Ex pane & vino fit Corpus & Sanguis Christi*. Præpositio enim *Ex* latissimè patet; & solū indicat terminum *a quo*, sive intrinsecum, sive extrinsecum. *Mundus fit ex nihilo. Dies ex nocte.*

Notandum Secundò, Eas propositiones, quæ denotant subiectum, vel causam materialē, esse improprias: ut, *De pane fit Corpus Christi*. De enim significat consubstantialitatem: unde debet hic accipi pro *Ex*. Similiter, *Panis fit Caro Christi*, est impropria; quomodo interdum loquuntur Patres: *vbi fit accipitur ut idem fit, quod transit in Corpus Christi*.

Notandum Tertiò, Propositiones, quæ significant aliquid commune utriusque termino permanere, sumuntur impropriæ; nempe non pro re individualia, sed vagè pro re contenta sub speciebus, vel pro hoc sensibili: ut, *Panis & vimum post consecrationem sunt verum Corpus & Sanguis Christi*, ut dicitur in Canone, *Ego Berengarius, de Consecratione dist. 2. vbi panis, & vimum non accipitur pro hoc individualia substantia, sed pro contento sub speciebus vagè, vel pro hoc sensibili.*

QVÆ-